

Pa hopi aña a tolera tur cos den silencio

Tapamento pa otro ta stroba accion contra abortus

Tin caso ta keda pega pa falta di cooperacion

ORANJESTAD(AAN)--

Lo tin un caso cu a tuma lugar recientemente. E muher a worde aborta, pero cosnan no a bay manera mester ta. E muher a haya su mes confronta cu complicacion serio. Pero no por a sigui actua aparentemente, pa e simple motibo cu tur hende envolvi no ta coopera. Mientras e muher ta core riesgo di keda cu lesion permanente, ta parce cu e caso a tranca. Asina e por bira un di e poco casonan cu ta bira conoci, pero cu no por sigui atende pa falta di cooperacion y tapamento pa otro, mientras abortus ta cria mas raiz.

Despues cu siman pasa, DIARIO a habri cañon ariba abortus, comentarionan y reaccionnan a cuminsa sali dilanti. Un punto cu a sali dilanti ta, pakico a permiti abortus pa tanto tempo, mientras e ta algo ilegal, cu ta habri caminda pa abuso y estafa tambe di parti di esnan, esta un grupo di medico, cu a haci abortus bira negoshi.

A base di opinionionan cu a drenta, DIARIO a bay averigua na promer lugar pakico ariba tereno di Justicia poco a worde haci ariba e tereno.

Informantenan clave a splica, cu pa hopi aña tabata

Pa hopi aña comunidad a tolera abortus den silencio. Esey a haci cu e problema tabata parce di no ta existi. Pa autoridad actua ta dificil. Di un banda un instancia ta tapa pa otro. Di otro banda no ta conoci unda cuminsa. Pero abortus ta representa problema y tin un caso cu a keda pega aparentemente pasobra no tin cooperacion pa solucion.

conoci cu tras di cortina cosnan inacceptable pa Ley tabata tuma lugar. Pero comoquiera cu ningun hende kier a habri boca y tur cos a keda rondona den silencio, pa autoridad e problema no tabata existi. Na momento cu keda keto y no bisa kico ta pasa, ta cubri un problema o asunto den securidad y su existencia no ta worde nota. Na momento cu DIARIO a publica e informe cu abortus ta causa problema serio, e problema a keda exponi y a bira un problema. Pero awor ta surgi e pregunta unda cuminsa actua y unda cuminsa controla.

Mester tene cuenta cu si abortus por a sigui cria raiz den silencio, tabata pa motibo cu hopi instancia a coopera pa nada sali na cla. Na promer lugar a worde muestra den direccion di mundo medico, camin-

da cierto mediconan ta practica abortus. Pero na momento cu nan worde acerca, nan ta sconde cabez den e santo di "secreto medico", loke ta haci cu investigacionnan ta tranca. Si mediconan, enfermeranan, personal di hospital mes no coopera ta poco dificil pa cualquier otro instancia por yega na solucion di e problema. Mientras tin hende ta tapa pa otro, ta dificil pa descubri e berdad di momento y desaroyonan.

Manera a worde presenta na DIARIO, Justicia mes no ta worde confronta cu casonan. Tur cos ta tuma lugar den silencio y pasobra un ta tapa pa otro, ta dificil pa Justicia por yega te na raiz di cierto casonan. Pero mientrastanto tur hende sa cu e casonan ta tuma lugar y tur hende sa cu ta estafa, ya cu mediconan, cu ta practica abor-

tus, ta abusa di ilegalidad pa existi sumanan hopi alto cu no ta cuadra cu nan trabao. Menos

conoci, ta keda e casonan di lesion permanente y hasta casonan di personanan cu a perde nan bida o tabata den situacion critico pa motibo di abortus, cu por faya tambe.

Si kier bay actua contra abortus, no por laga esaki den man di Justicia solamente, pero tur esnan envolvi mester cuminsa

coopera. Na promer lugar mester pensa den direccion di mediconan mes y na personal di hospital, cu mester bati alarma ora nan tuma nota di casonan di abortus. Tambe palabra mester sali for di seno di gobernacion y

hasta di representacion di Pueblo, staten. Gobernacion mester dicidi con ta bay para enfrente abortus y mester duna guia pa actuacion di autoridad.

Segun a worde splica na DIARIO, Staten, cu ta repre-

senta Pueblo y mester vocifera opinion di Pueblo, mester expresa su mes claramente pa asina duna indicacion claro, con mester bay actua contra abortus. Si Staten dicidi cu

mester bini cu control pisa, e ora a habri caminda pa autoridad cuminsa controla te den detayes loke ta pasa den consultorionan medico. E ora tambe Gobierno mester pone mediconan na altura cu cualquier paso den direccion di abortus lo significa medida inmediato.

Gobernacion mester habri caminda pa actuacion, segun informantenan, cu a bisa cu Justicia no por actua, mientras comunidad y su representantenan mes ta dera cabez den silencio y ta haci manera no tin problema.